

Bibliotekeqarneq pillugu Inatsisartut peqqussutaata allanngortinneqarneranik Inatsisartut peqqussutaat nr. 5, 12. maj 2005-imeersoq (Akiliutitik aalajangersaaneq il.il.) Atuussimasoq (Historisk)

§ 1

Bibliotekeqarneq pillugu Inatsisartut peqqussutaanni nr. 4, 15. oktober 1979-imeersumi, Inatsisartut peqqussutaatigut nr. 13, 30. oktober 1992-imeersukkut allanngortinneqartumi makku allannguutigittinneqassapput:

1. § 1-imi "meeqqat" kingorna ilanngunneqassaaq: ", taamaattorli tak. kapitali 4,".
2. § 6-imi, § 9, imm. 2-mi, § 10-mi aamma § 13-imi "Kulturimut atuartitaanermullu direktionip" allanngortinneqassaaq ima: "Naalakkersuisut".
3. § 7-imi imm. 1 atorunnaarsinneqassaaq.
Imm. 2 taamaalilluni imm. 1-inngussaaq, imatullu oqaasertaqassaaq:
"Nunatta Atuagaateqarfiata pisortaa, Nuup Kommunanik isumaqatiginninniaqateqareerluni Nuup Kommuniani atuakkanik atorniartarfiit eqqarsaatigalugit atuakkanik atorniartarfiit taakkulu pitsannorsarneqarnissaannik pilersaarusiamik suliaqassaaq, Naalakkersuisunut inassutigineqartussamik Naalakkersuisunillu akuersissutigineqartussamik."
4. Kapitali 3-p kingornagut kapitali nutaaq ikkunneqassaaq:

" Kapitali 4

Ataatsimut aalajangersakkat

§ 12b. Nunatta Atuagaateqarfia kommuninilu atuakkanik atorniartarfiit immikkut ittumik sullissinernut atorniartarfiit sullissinerannut attuumassuteqartunut, kisianni sumiiffimmi atuinermi, atortussanik atukkiussinermi nalinginnaasumillu ilitersuinermit annertunerusunut akiliummik atuisunut akiliisitsisinnaapput. Tamatuma saniatigut aamma atortussanik Qallunaat Nunaanni, Savalimmiuni nunaniluunniit allani atuakkanik atorniartarfinnut piniarneqarsimasunik atukkiussinermi akiliummik akiliisitsisoqarsinnaavoq.

Imm. 2. Sullissinerit imm. 1-imi taaneqartut atuisumit erseqqissumik qinnutaasimassapput.

Imm. 3. Nunatta Atuagaateqarfiani aammalu kommunit atuakkanik atorniartarfiini sullissinernut imm. 1-imi taagorneqartunut akiliutit annertussusissaat qanorlu ittumik akiligassiissutigineqartarnissaat Naalakkersuisut kommunalbestyrelsillu aalajangersassavaat. Akiliut sullissinermi aningaasartuutinit qaffasinnerussanngilaq.

§ 12c. Nunatta Atuagaateqarfia kommunillu atuakkanik atorniartarfi atorniakkat utertinneqarnissaannut piffissaliussamik qaangiinnermut akiliummik akiliisitsisinnaapput. Atortussanut

atuisup ataatsikkut atugaanut, aammalu piffissap assigiip iluani killilernerqarsimasunut akiliut annerpaamik 15 kr.-iusinnaavoq, atortussanulli meeqqanit inuusuttunillu 15-it inorlugit ukiulinnit atornerqarsimasunut annerpaamik 10 kr.-iussalluni. Qaangiineq ullunit arfineq-marlunnit sivisuneruppat akiliut 50 kr.-inut qaffanneqarsinnaassaaq, atortussanulli meeqqanit inuusuttunillu 15-it inorlugit ukiulinnit atornerqarsimasunut annerpaamik 20 kr.-iussalluni. Qaangiineq ullunit 30-nit sivisuneruppat, atortussanillu atukkiunneqarsimasunik utertitseqqusilluni allakkanik tamanna sioqqullugu nassiussisoqarsimappat, taava akiliut 100 kr.-inut qaffanneqarsinnaassaaq, atortussanulli meeqqanit inuusuttunillu 15-it inorlugit ukiulinnit atornerqarsimasunut annerpaamik 50 kr.-iussalluni.

Imm. 2. Nunatta Atuagaateqarfia kommunillu atuakkanik atorniartarfii atuisup atorniarnermut allagartaata taartissaanik sananermut akiliummik annerpaamik 20 kr.-iusumik akiliisitsisinnaapput.

§ 12d. Nunatta Atuagaateqarfiata kommuninilu atuakkanik atorniartarfiit atuisoq atuakkanik atorniartarfinit atorniarnissamut mattussinnaavaat, atuisup atortussat atukkami innarlerneqaratik utertinneqarnissaannik pisussaaffini annertuumik sumiginnarsimappagu.

Imm. 2. Atuakkanik atorniartarfinit atorniarnissamut mattussineq aamma pisinnaavoq atuisoq akiliummik § 12c naapertorlugu aalajangersarneqartumik akiligassaqarpat imaluunniit atortussanut innarlerneqarsimasunut tammarsimasunulluunniit taarsiissutitut akiligassanik akiligassaqarpat.

Imm. 3. Atuisup atuakkanik atorniartarfinnut pisussaaffini aqqippagit, matumani aamma atortussat innarlerneqarsimanngitsut utertinnerisigut imaluunniit atortussat innarlerneqarsimasut taarsernerisigut kiisalu akiliutissat akilerneqarsimanngitsut akilernerisigut, mattussineq atorunnaarsinneqassaaq.

Imm. 4. Nunatta Atuagaateqarfiata aammalu kommunit atuakkanik atorniartarfiutaasa atuisartoq atuakkanik atorniartarfinni atuisinnaaneranut aammattaaq mattussinnaavaat, atuisartoq siusinnerusukkut arlaleriarluni atortut atorsimasat innarlerneqartinnagit tunniunnissaannut pisussaaffini arlaleriarluni unioqqutissimappagu. Mattussineq taamaattoqartillugu piffissamik siumut aalajangeriikkamik, atuisartup atuakkanik atorniartarfimmu pisussaaffimminik naammassinninneranit qaammatinik 3-nik sivisunerunngitsumik, piffisalerlugu.

§ 12e. Nunatta Atuagaateqarfia kommunillu atuakkanik atorniartarfii atortussanik immikkut erlinnaatilinnik pigisaqarunik, taakkulu ikittuinnarnik amerlassuseqarnertik pissutigalugu imaluunniit allanik peqquteqartumik angerlaallugit atukkiussassaqqissuunngippata, atuakkanik atorniartarfiit atortussat angerlaallugit atukkiussinissamut killilersuutinik aalajangersaasinnaapput.

Imm. 2. Atuakkanik atorniartarfik atortussanik imm. 1-imi taaneqartunik angerlaallugit atukkiinermi qularnaveeqqusiissummik akiliisitsisinnaavoq.

§ 12f. Atuakkanik atorniartarfiit ataasiakkaat, atuagaateqarfiup pigisai apeqquaatillugit, atorniartartut ataasiakkaat atortussat atorsinnaasaasa inniminnersinnaasaasalu katillutik qanoq amerlassuseqarnissaannik killilersuutit atuakkanik atorniartarfiup malittarisassaani aalajangersarsinnaavaat.

§ 12g. Nunatta Atuagaateqarfiata kommunillu atuakkanik atorniartarfiisa atuisut atuagaateqarfiit atornerqarneri pillugit piumasarianik ilitersussavaat, matumani aamma ilaatigut paasisitsissutigalugit atorniartartut uppersaataat, piffissaq atorfiusinnaasoq, qularnaveeqqusiissummik akiliisitsisinnaaneq, atortussat atukkat innarlerneqaratik utertinneqarnissaannik pisussaaffimmik sumiginnaanerup kingunerisinnaasai, akiliutinik akiliisitsisarneq aammalu akiliisitsiniartarneq.

Imm. 2. Ilitsersuut atuakkanik atorniartarfinni allagarsiinikkut aammalu atuakkanik atorniartarfiit malittarisassaasa atuisunut tunniunnerisigut tamanut saqqummiunneqassaaq."

Kapitali 4 taamaalilluni kapitali 5-inggussaaq.

§ 2

Inatsisartut peqqussutaat ulloq 1. juni 2005 atortuulissaaq.

Namminersornerullutik Oqartussat, ulloq 12. maj 2005

Hans Enoksen

/

Henriette Rasmussen